



Deddf Casglu a Rheoli Trethi (Cymru) 2016

2016 dccc 6

RHAN 7

TALU A GORFODI

Talu

164 Ystyr “swm perthnasol”

Yn y Rhan hon, ystyr “swm perthnasol” yw—

- (a) treth ddatganoledig;
- (b) llog ar dreth ddatganoledig;
- (c) cosb sy’n ymwneud â threth ddatganoledig;
- (d) llog ar gosb sy’n ymwneud â threth ddatganoledig;
- [^{F1}(e) swm sy’n daladwy mewn cysylltiad â chredyd treth;
- (f) llog ar swm sy’n daladwy mewn cysylltiad â chredyd treth.]

Diwygiadau Testunol

- F1** A. 164(e)(f) wedi ei fewnosod (1.4.2018) gan Rheoliadau Treth Gwarediadau Tirlenwi (Gweinyddu) (Cymru) 2018 (O.S. 2018/101), rhl. 1(2), **Atod. para. 41**

Gwybodaeth Cychwyn

- I1** A. 164 ddim mewn grym ar y Cydsyniad Brenhinol, gweler **a. 194(2)**
- I2** A. 164 mewn grym ar 25.1.2018 gan O.S. 2018/33, **ergl. 2(h)**

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Casglu a Rheoli Trethi (Cymru) 2016, RHAN 7. (See end of Document for details)

165 Symiau perthnasol yn daladwy i ACC

Mae unrhyw swm perthnasol sy'n dod yn daladwy (boed o dan ddeddfiad neu o dan setliad contract) yn daladwy i ACC.

Gwybodaeth Cychwyn

- I3** A. 165 ddim mewn grym ar y Cydsyniad Brenhinol, gweler [a. 194\(2\)](#)
I4 A. 165 mewn grym ar 25.1.2018 gan O.S. 2018/33, [ergl. 2\(h\)](#)

166 Derbynebau am daliad

Pan delir swm perthnasol i ACC, rhaid i ACC roi derbynneb os gofynnir iddo wneud hynny.

Gwybodaeth Cychwyn

- I5** A. 166 ddim mewn grym ar y Cydsyniad Brenhinol, gweler [a. 194\(2\)](#)
I6 A. 166 mewn grym ar 25.1.2018 gan O.S. 2018/33, [ergl. 2\(h\)](#)

167 Ffioedd talu

- (1) Caiff Gweinidogion Cymru ddarparu drwy reoliadau bod rhaid i berson sy'n talu swm perthnasol i ACC gan ddefnyddio dull talu a ragnodir gan y rheoliadau, hefyd dalu ffi a ragnodir gan y rheoliadau neu a bennir yn unol â hwy.
- (2) Caiff rheoliadau o dan yr adran hon wneud darpariaeth ynghylch pryd a sut y mae'n rhaid talu'r ffi.

Gwybodaeth Cychwyn

- I7** A. 167 ddim mewn grym ar y Cydsyniad Brenhinol, gweler [a. 194\(2\)](#)
I8 A. 167 mewn grym ar 18.10.2017 gan O.S. 2017/954, [ergl. 2](#)

Ardystio dyled

168 Tystysgrifau dyled

- (1) Mae tystysgrif gan ACC nad yw swm perthnasol wedi ei dalu i ACC yn dystiolaeth ddigonol nad yw'r swm wedi ei dalu oni phrofir i'r gwrthwyneb.
- (2) Mae dogfen yr honnir ei bod yn dystysgrif o'r fath i'w thrin fel pe bai'n dystysgrif o'r fath oni phrofir i'r gwrthwyneb.

Gwybodaeth Cychwyn

- I9** A. 168 ddim mewn grym ar y Cydsyniad Brenhinol, gweler [a. 194\(2\)](#)
I10 A. 168 mewn grym ar 25.1.2018 gan O.S. 2018/33, [ergl. 2\(h\)](#)

Adennill

169 Achos yn llys yr ynadon

- (1) Pan fo swm perthnasol yn daladwy gan berson ac nad yw'n fwy na £2,000, mae i'w adennill fel dyled sifil drwy broses ynadon.
 - (2) Caniateir cynnwys pob un neu unrhyw un neu ragor o'r symiau sydd i'w hadennill o dan yr adran hon sy'n daladwy gan unrhyw un person o fewn yr un gŵyn, wŷs, neu ddogfen arall y mae'n ofynnol ei gosod gerbron ynad heddwch neu ei dyroddi ganddo.
 - (3) Mae pob dogfen o'r fath i'w thrin, mewn cysylltiad â phob swm, fel dogfen ar wahân ac nid yw ei hannilysrwydd mewn cysylltiad ag un swm yn effeithio ar ei dilysrwydd mewn cysylltiad ag unrhyw swm arall.
 - (4) O ran swm perthnasol sy'n dreth ddatganoledig neu'n gosb [^{F2}neu'n swm sy'n daladwy mewn cysylltiad â chredyd treth], caniateir dwyn achos o dan yr adran hon o fewn y cyfnod o 12 mis sy'n dechrau â'r diwrnod yn dilyn y diwrnod yr oedd yn ofynnol talu'r dreth ddatganoledig [^{F3}, y gosb neu'r swm arall] arno neu'n gynharach.
 - (5) O ran swm perthnasol sy'n llog ar dreth ddatganoledig neu ar gosb [^{F4}neu swm sy'n daladwy mewn cysylltiad â chredyd treth], caniateir dwyn achos o dan yr adran hon o fewn y cyfnod o 12 mis sy'n dechrau â'r diwrnod yn dilyn y diwrnod yr oedd yn ofynnol talu'r dreth ddatganoledig [^{F5}, y gosb neu'r swm arall] arno neu'n gynharach.
- [^{F6}(5A) Pan fo swm perthnasol yn cynnwys swm o dreth trafodiadau tir y mae ACC wedi cytuno y gellir gohirio ei dalu, rhaid anwybyddu unrhyw gyfnod gohirio mewn cysylltiad â'r swm hwnnw (fel y'i pennir o dan Bennod 3 o Ran 6 o DTTT) wrth gyfrifo'r cyfnod o 12 mis y cyfeirir ato yn is-adran (4) neu (5).
- (5B) Pan fo swm perthnasol yn cynnwys swm a gaiff ei drin fel swm gohiriedig yn rhinwedd adran 181G, rhaid anwybyddu unrhyw gyfnod gohirio mewn cysylltiad â'r swm hwnnw (fel y'i pennir o dan yr adran honno) wrth gyfrifo'r cyfnod o 12 mis y cyfeirir ato yn is-adran (4) neu (5).]
 - (6) Caiff Gweinidogion Cymru gynyddu'r swm a bennir yn is-adran (1) drwy reoliadau.

Diwygiadau Testunol

- F2** Geiriau yn a. 169(4) wedi eu mewnosod (1.4.2018) gan Rheoliadau Treth Gwarediadau Tirlenwi (Gweinyddu) (Cymru) 2018 (O.S. 2018/101), rhl. 1(2), **Atod. para. 42(2)(a)**
- F3** Geiriau yn a. 169(4) wedi eu hamnewid (1.4.2018) gan Rheoliadau Treth Gwarediadau Tirlenwi (Gweinyddu) (Cymru) 2018 (O.S. 2018/101), rhl. 1(2), **Atod. para. 42(2)(b)**
- F4** Geiriau yn a. 169(5) wedi eu mewnosod (1.4.2018) yn rhinwedd Rheoliadau Treth Gwarediadau Tirlenwi (Gweinyddu) (Cymru) 2018 (O.S. 2018/101), rhl. 1(2), **Atod. para. 42(3)(a)**
- F5** Geiriau yn a. 169(5) wedi eu hamnewid (1.4.2018) gan Rheoliadau Treth Gwarediadau Tirlenwi (Gweinyddu) (Cymru) 2018 (O.S. 2018/101), rhl. 1(2), **Atod. para. 42(3)(b)**
- F6** A. 169(5A)(5B) wedi ei fewnosod (1.4.2018) gan Deddf Treth Trafodiadau Tir a Gwrthweithio Osgoi Trethi Datganoledig (Cymru) 2017 (anaw 1), a. 81(2)(3), **Atod. 23 para. 60**; O.S. 2018/34, ergl. 3

Gwybodaeth Cychwyn

- I11** A. 169 ddim mewn grym ar y Cydsyniad Brenhinol, gweler **a. 194(2)**
- I12** A. 169 mewn grym ar 25.1.2018 gan O.S. 2018/33, **ergl. 2(h)**

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Casglu a Rheoli Trethi (Cymru) 2016, RHAN 7. (See end of Document for details)

170 Gorfodi drwy atafaelu nwyddau

- (1) Os nad yw person yn talu swm perthnasol i ACC sy'n daladwy gan y person, caiff ACC ddilyn y weithdrefn yn Atodlen 12 i [F⁷DTLIG] (atafaelau nwyddau) er mwyn adennill y swm hwnnw.
- (2) Yn adran 63(3) o'r Ddeddf honno (asiantau gorfodi), ar ôl paragraff (b) mewnoder—
“(ba) a person authorised to use the procedure in Schedule 12 by the Welsh Revenue Authority (or by a person to whom the Welsh Revenue Authority has delegated the function of authorising the use of the procedure);”.

Diwygiadau Testunol

- F7** Geiriau yn a. 170(1) wedi eu hamnewid (25.1.2018) gan Deddf Treth Trafodiadau Tir a Gwrthweithio Osgoi Trethi Datganoledig (Cymru) 2017 (anaw 1), a. 81(2)(3), **Atod. 23 para. 61**; O.S. 2018/34, ergl. 2(b)(iii)

Gwybodaeth Cychwyn

- I13** A. 170 ddim mewn grym ar y Cydsyniad Brenhinol, gweler **a. 194(2)**
- I14** A. 170 mewn grym ar 25.1.2018 gan O.S. 2018/33, **ergl. 2(h)**

Newidiadau i ddeddfwriaeth:

Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Casglu a Rheoli Trethi (Cymru) 2016, RHAN 7.